



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm II. Ad vltimum

[urn:nbn:de:hbz:466:1-62587](#)

justificatoria, alterum mandatum sine clausula. Dicrimen est, quod illud relinquit parti potestatem justificandi causam suam, seu rationes ac defensiones intra certum terminum afferendi, cur mandato parere non debeat iuxta formam quam indicat gl. fin. in o. Ex parte 23. De verborum significis. Mando tibi ut rem ablatam restituas, captivum liberum relinquas, ab ædificatione desistas, ædificata destruas, aut si eare te gravari existimas, intra octo dies, numerandos ab eo quo has literas acceperis, te sistas, & defensiones proponas, alioquin siue veneris siue non veneris, nisi mandatum executus fueris, incidas in talē pœnam: quod si pars, cui ita mandatum, rationes relevantes judici probauerit, tum ipsa absoluitur revocato mandato; sin autem rationes suas non justificauerit judici, tum prius illud mandatum firmum manet, sicuti & pœna decreta, nisi paruerit intra terminum vel ante ipsi præfixum, vel tunc de nouo præfigendum. Videatur Gail. l. 1. obseru. 19. Min. dan. l. 2. c. 7. Mandatum sine clausula justificatoria, est, quo aliquid sub pœna decreta præcipitur, non relicta potestate afferendi rationes, cur mandato paritum non sit, sed tantum afferendi rationes, cur pœna iniusta non sit. Exemplum: Mando vobis Consul & Senatores, ut ædificium quod in Solo alieno spretā monitione & denuntiatione à Domino loci factā exstruxistis, cum id factum vestrum notoriè iniustum sit, ac nulla ratione justificari queat; mox ut has literas acceperitis, destrui curetis sub pœna 12. marcarum auri; insuper vocamus vos peremptoriè ad 16. diem Aprilis, in quo comparere debeatis, & fidem facere de præterita monitione ac obedientia. Sin autem mandato non obtemperastis, ut appareat vos in pœnam incidisse, aut rationes afferatis relevantes, quare ad declarationem pœnae procedendum non sit. Et talis quidem formula obseruatur, si aliquid agi mandetur, sin autem mandatum inhibitorum sit, de non offendendo, non arrestando, tum citatione opus non est ad ostendendam partitionem & obedientiam, sed postquam mandatum

contumaciter spretum fuit, tum citatio fieri potest ad videndum declarandumque pœnam incursum esse. Qua de re Mizdanus cit. l. 2. c. 10. n. 5.

CAPITVLVM II.

Ad ultimum.

PARAPHRASIS.

Titius agebat contra Caium in causa possessionis adipiscendæ, & simul petitorum admiscebat, (dicens & probare paratus) sibi jus proprietatis cōpetere, Papa utrāque causam possessorij & petitorij judicibus delegauit, ij ut parcerent partiū sumptibus & expensis, allegationes & testimoniū depositiones super utroque judicio permixtim exceperunt, sed cūm viderent testificationes super petitorio esse magis intricatas, visum fuit, ut prius examinatis testificationibus super possessorio secundūm eas pronuntiarent, postea verò resumerent causam petitorij. Quærebant num id facere potuerint? Resp. Calestinus III. Rechè ita procedi, cūm jure Ciuitati expressum reperiatur.

SUMMARIUM.

1. Quid sit petitorium & possessorium judicium, & hoc quotuplex?
2. Quot modis concurrere possint petitorium & possessorium judicium?

Adverte 1. Quod judicium aliud est petitorium de dominio seu proprietate rei, aliud verò est possessorium, seu de possessione. Judicium possessorium est triplex, vel enim instituitur causa adipiscendæ possessionis, ut si hæres cupiat se mitti in possessionem rerum hæreditatarum, quas alius possidet, interdicto quorum bonorum, aut legatorum. §. Sequens. Inffit. de interditio. Huc etiam spectat interdictum Saluianum, quod datur locatori seu Domino ad recipiendam possessionem rerum pro solutione pensionis sibi obligatarum. §. Interdictum. Inffit. eodem. Vel instituitur causa testituen- dæ pos-

de possessionis, si videlicet duo sibi possessionem vindicent, sed Actor dicat se turbari in possessione sua, quam saltem animo seu ciuiliter adhuc retinet, hoc casu locus est interdicto, *vis posseditis*, aut *vi robi*, quorum illud pro rebus immobilibus competit, hoc pro mobilibus. §. Quorum ius. Instit. eod. Vel denique instituitur causa recuperandæ possessionis, à qua per vim aliquis deiectus est, tum locusestinterdicto Vnde vi in rebus immobilibus, *vi bonorum raptorum* in rebus mobilibus. §. Recuperanda. instit. eod. iuncta gl. Vide cap. Pastoralis. verb. *Quod debet*.

2. Adverte 2. Possessorium & petitorium judicium duobus modis concurrere possunt. 1. Ex parte Actoris, ut in eodem libello eadēque actione cumulantur, id verò impossibile est in interdicto *retinenda*, cùm enim Actor fateatur se possessorem, non potest rem petere sibi dari, seu restituī; at verò in interdicto adipiscendæ vel recuperandæ fieri id potest iuxta responsum huius capituli. Et licet testes, aliaeque probations super utraque causa simul examinari & unā sententia utraq; causa terminari possit, atque ordinariè ita debeat. c. *Pastoralis*. 6. Cùm dilectus. h.r. non prohibetur tamen judex ex justa causa aliter procedere, ut videlicet post receptos testes super utraque causa prius expediat possessorium, postea progrediatur ad petitorium judicium. 2. Concurrere possunt petitorium & possessorium scilicet, ut Actor petente possessionem, Reus excipiat & obtēdat proprietatem ac Dominium sibi competere, tum distinguendum, vel uterque ait se possidere, quod accidere potest, si plures v. g. tanquam heredes possideant castrum cum juribus adherentibus, & unus alterum repellere velit, hoc casu necesse est judicium possessorium prius summarie tractari, atque unum in possessione collocari, ut appareat quisnam petitor esse debeat, seu petitorij judicii actor, iuxta l. Ordinarij 13. iunct. gl. C. De Rei Vind. & clariss in l. Incerti. C. De interditis. ubi dicitur: ortâ proprietatis & possessionis lite, prius possessionis decidi oportere questionē, ut ex hoc, ordine facto, de Dominij disce-

ptatione probations ab eo qui de possessione viētus est, exigantur; vel Reus tantum possidet, tum si agatur judicio possessionis adipiscendæ, admittitur Reus, si probationes competentis sibi dominij in continentia afferte velit, ut docet gl. in e. 1. verb. Contentio- nem. de restitut. spol. Panorm. hic in fin. Sin autem agatur judicio recuperandæ contra spoliatorem, non admittitur talis exceptio, quia possessor ante omnia restituendus est. Arg 1.3. §. ibid. ff. Ad exhibendum, &c docet Dinu in Reg. 73. in 6.

CAPITVLVM III.

Cùm Ecclesia.

PARAPHRASIS.

Vacante Ecclesiâ Sutrinâ Canonici Cathedrales convenientes in unum, præmisso secundū consuetudinem hymno: Veni S. Spiritus, Episcopum elegerunt, eūmque à sede Apostolica confirmati postularunt: sed Clerici Conventualium Ecclesiarum se opponebant, petentes electionem infirmari, quia ipsis renitentibus & exclusis, electio peracta fuerat, cùm tamen in Episcoporum electionibus ipsi, & antecessores ipsorum consuerint interesse. Partibus apud sedem Apostolicam constitutis, coram auditoribus testes utrinque, recepti fuerunt, quorum publicatis attestationibus, dicebant Canonici intentionem suam, quod ad ipsos tantum electio spectaret, satis probatam esse; sed pars altera contra dicebat, quod testes melius probabant assertionem suam, videlicet quod ipsis electioni Episcoporum interesse deberent, cùm attestationibus constaret, ipsos tribus proximè antecedentibus Episcoporum electionibus unā cum Cathedralibus interfuisse, & vocem actitam habuisse. Innocentius III. examinatis attestationibus, deprehendit testes à Canonicis Cathedralibus productos varios fuisse, & coram auditoribus vacillasse, imò etiam de negatiâ quodammodo testatos fuisse, vi-